

晚

晴

移

詩

匯

晚晴詩匯卷一百七十六目錄

榮慶 一首

馮煦 十六首

陳昌紳 二首

陳田 三首

葉在琦 十五首

賀濤 二首

劉孚京 五首

吳慶坻 五首

沈曾桐 一首

張士珩 二首

蕭端澍 三首

張寶森 六首

姚永概 四首

黃錫齡 二首

葛嗣滌 一首

王定祥 一首

胡體晉 一首

惲毓鼎 五首

李傳元 十一首

葉昌熾 三首

劉爾炘 三首

費念慈 五首

江標 二首

徐仁鑄 四首

楊深秀 六首

王繼香 十一首

朱秉成 七首

史恩培 四首

王濟 一首

晚晴移詩匯卷一百七十六

徐世昌

榮慶字華卿號實夫蒙古人光緒丙戌進士改庶吉士

授編修官至協辦大學士弼德院顧問大臣謚文恪

詩話文恪少時隨宦蜀中事親至孝及歸京師受業鹽山李慕皋侍御之門自通籍以至顯貴門庭如水無異寒素與余結昆弟之好同直樞廷晚病偏廢仍時相往還聞有髻齡日記詩冊未之見也遍求遺作僅得一律

送何見石甘肅之行

使君奉詔隴西行洱海歸來又遠征憶昔文章動秋榜頻

年詩酒共春明諸昆并煥鵷鸞彩

去冬令弟輩來見

一柱同驚鸞

驚鳴畢竟衡才又司理定知貽上是前生

去年見石典試雲南曾以漁洋

相況

馮煦字夢華號蒿庵金壇人光緒丙戌一甲三名進士

授編修官至安徽巡撫

詩話丙戌諸同歲中夢華年差長江關詩賦早飲香
名出守鳳陽以經術澤吏事遂擢監司沔膺疆寄宣
統初納節而歸寄居海上諸行省連歲告災力籌拯
卹年逾大耋汲汲不遑詩篤雅和婉晚遇亂離辭旨
淒咽尤工倚聲取徑姜張而纏綿
徘徊風格雋上駸駸有青冰之意

答研孫

相逢吾與子風雨黯虛堂意氣摧愁病詩歌接混茫讀書
憂太苦入世忌能狂千里沅湘路鐙前說故鄉

十日枕上作

簾淒鐙磊夜孤清卧病空堂月半明我已思歸眠不得亂
蟲莫更作秋聲

得仲修書卻寄

一卧空江晚風前得子書詩歌猶磊落酒病未蠲除雨過
嵐陰合霜清木葉疎荒園秋色老日涉更何如

和研孫登秣陵城之作

荒煙衰草晚蕭蕭倦客登臨恨未銷寒蝠虛檐吹雨暗飢
鷹廢壘挾霜驕九秋敗葉辭枯樹百戰孤城咽暮潮賸有
戍樓舊雉影更銜殘照送南朝

九日同少符飲

汪子飲我酒日落南城樓百語無一歡相對如羈囚羈囚
豈所懷辛苦難自由失婦古云悲況子罹重憂酒半拚袂
起涕泗咽在喉四時各有稟胡爲得其秋天地尙慳慳子
也復何尤

天地一慳慳草木無不靡百里暮浩浩下見舊時壘野鳥

聲何哀啾啾溝壑裏萬騎此摧藏煩冤不能理白日寒原
昏猶聞泣荆杞豈無侯與王獨以征戰死有酒不能酌悲
風動淮水

淮水去不返我心重愴惻弟兄各異縣欲往無羽翼八月
遺我書開函淚沾臆知我病乍起一一問眠食共此千里
心相思不相卽茱萸勿復采憂來簪不得兄今更何如吞
聲望故國

故國丁喪亂遺民三萬強野田足耕作少少歸流亡今年
盛陰潦秋穀半已傷飢寒豈不懼幸得守其鄉不見江漢
上千里流湯湯脫身洪濤中顛越皆四方登高氣潛阻颯
颯哀鴻翔

秋盡同蘋湘夜飲賦此示之並柬漱泉

相逢意氣莫摧殘。秋盡江湖雁影單。老屋疏鐙霜力緊，暗潮孤艇雨聲酸。百年有酒難爲醉，九月無衣漸覺寒。更向城南望城北，何時共飽腐儒餐。

送研孫歸湘中

陰陰霽色赴遙嵐。攜手荒城思不堪。爲語離人莫回首，亂鴉殘照是江南。

橫笛吹寒斷雁秋。舊時雲物此淹留。黃陵暮雨孤帆遠，楚竹湘煙一望愁。

用可莊韻柬子培

身世何勞季主占。與君人海守齋鹽。每徵古事搜行祕，還憶清言下漏籤。賦別爭禁腰帶緩，談空祇覺鬢絲添。自慚牛鐸諧鐘呂，敢道今來得二嚴。

東坡先生詩集卷之二十一
三
答石公

極目陪都萬幕屯
顧侯杖策氣無倫
詩宗南國風騷古
經證東荒地望尊
多病祇今宜藥裹
舊游終古戀桑根
吾衰五十君行及
爭得同歸白下門

瓜步

瓜步荒煙上遠墟
金焦南望賦歸歟
亂鴉正掠斜帆過
寒柳黃於二月初

劍州聞蟬

列柏西台寂不鳴
九天風露特淒清
劍南雨過延新爽
始得疎林第一聲

己酉清明同運甫晚望

漠漠春陰減卻春
晚來微雨散輕塵
半生懷抱蠲冰炭
十

載交親逐溷茵天末孤雲歸似客門前疏柳澹於人屏居
淮表堪羅雀勞子東來慰隱淪

陳昌紳字杏孫一字穉亭錢塘人光緒丙戌進士改庶
吉士授編修

詩話杏孫內行肫摯在翰林十餘年一充辛卯房考
甲午大考記名固以母老假歸省侍庚子南還道卒
士論惜之學有根柢尤熟精班固書有所纂述未竟
家傳詩學欲為小倉山房集作注蒐羅乾隆一朝文
字掌故積稿數十巨冊日挾以自隨
從士友諮訪虛懷三志尤不可及也

虎邱新構靈瀾精舍嘉定錢少詹書海涌峯三字石
刻尙存分隸絕雄偉

憨公卓錫地苔澗昔曾經山寺有興廢泉流無古今雲巖
清梵答海涌夕嵐陰名迹懷前輩潛挈詣力深

獅子林今爲吳中黃氏廢園

疊石摹山格奇疆曲折通廣庭成結構危磴接玲瓏磊
當軒出狻麕據座雄雲林共高致皴染畫圖工

陳田字松山貴陽人光緒丙戌進士改庶吉士授編修

歷官給事中有滇游泝沅悲歌津門諸集

詩話松山官京朝閉戶讀書晨鈔夕纂嘗輯明詩紀
事仿計厲二家之例編次有明一代之詩蒐採精勤
持擇平允能出牧齋竹垞範圍之外又輯黔詩紀略
後編爲之傳證鄉州文獻網羅掇拾至詳且備所自
爲詩磊落英多悲歌集紀庚子之亂津門集則爲
辛亥壬子間作撫時感事尤極慷慨激昂之致

安平曉發

荀興坐嘯足蕭閒曲徑紆回水一灣綠野催耕新賀雨白
雲作海欲沈山地饒邱壑能留賞春滿鶯花爲解顏記取
定翁詩句好幽居掩翠憶鄉關安平爲定齋先生故里先
生有家園雜憶詩云六年

簪筆向彤廷苦
憶幽居掩翠局

板橋和題壁原韻

惜別恩恩折柳條東風幾度客魂銷君來我去分明記瘦馬馱詩過板橋

猶是當年舊柳條低徊故事總煙銷才名一代楊公子曾踏東風賦板橋

升庵編戊金齒有過板橋詩

葉在琦字肖韓號稚惜閩縣人光緒丙戌進士改庶吉

士授檢討歷官御史有稚惜詩鈔

詩話肖韓通籍甫弱冠在丙戌同榜館選中齒最少督學黔中乞養歸還朝補御史亦僅逾強仕詩學山谷後山中多有物之言非僅欲以詞章名世使天假之年所造正未可限量也

林贊虞丈出守昭通過黔贈別

長孺忠鯁臣卧治典一郡帝重二千石擇賢出邦憲况軫邊氓窮宵衣厪清問烏蒙磽瘠區百產闕轉運比年累歉

收婦子乏餽餽流亡入鄰疆風雪挾敝縕頗聞今茲秋可
無領頗恨况又五馬來襦袴振貧困吏人畏直聲屏息戢
豪健獠獠皆家人睢盱聽明訓政成召和甘寒暑泯咨怨
春風蘇枯壤吹萬有宏願崇朝天下霖興雲自膚寸映徒
豈敢私頰首節旄建實事副大言乃不愧拜獻誰云儒術
迂卑之勿高論

京洛涼風來階墀秀佳菊出門畏秋霖泥潦膠雙轂城南
邸居日擁書坐齋屋豈識行路難終日跋巖谷黔山無紆
徐阜眾若窮蹙西行望滇雲亂峯更奇矗盤盤關索嶺高
揭據腰腹往來塵滿襟辛苦繭在足境連無撤疆人半奢
安族光陰問場市村寨覓餽宿久客慣荒程漸於風土熟
此去秋漸深薄寒起林麓呷酒可辟瘴郵筒旨且蓄曉發

耐煩佳行裝換禪復起居望精調長涂羨載福

齟齬迎高軒客座覩妙墨初知學波磔塗鴉常侍側甚荷
容物頑陋質許磨拭睽違重相見吹竽濫清職學步踰乎
後蹢躅怯無力同時侍從班公書最傑特天然擅風華意
不假雕刻比來愈高卓下筆成典式臺端索靖碑論古詣
精域喜聞前騶過寒廳覲顏色久別猶虛庸盛望愧難塞
驪駒不可維送行已曛黑探懷出絹素恩恩那敢迫請附
書麓行期寄郵筒得郡齋知近山春秋好登陟使君今蘇
黃摩崖待鐫勒

奉寄獻恭叔父

寒澌緩緩回春流閘河不任浮輕舟空齋臘去六十日短
梅疏花爲客留梅花留客看春雪三月西湖有此不浙中

山水夙緣重官轍過處皆曾游昔來趨庭不謁郡瀟灑題
詩八詠樓今來下車諭父老鄰邑人識新君侯中年最樂
奉親事况自官舍涓蘭修愉愉門內滌膺器善氣已動輿
人謳琦也弱歲從諸父僧院鐙火春徂秋棲鴉暮滿窗外
樹斜月照見低枝樛依稀此景但疇昔輾轉人海嗟萍游
新歲嶺外有消息阿叔奉檄歸梧州仲兄恩恩別數月蹤
跡尙滯藤溪頭惘然當別念家事未敢孟浪干時憂都門
送人已屢屢居者不去甯無求頗思十畝有收穫勝似朝
市爲身謀高堂康健慰游子甯贍邸費無歸休親慈自望
可樹立力薄欲進途無由求才正亟汰冗長太倉鼠雀能
勿羞還家溫清帥羣季何有鬱鬱思八騶

盤江鐵索橋復成寄安義蔣鎮軍炳堂

潛蛟生角隘潭穴擊水飛行越危岳浮槎木石互撞搥嚴
隙衝波半偏裂長虹戰魴失首尾波落江心見叢鐵二三
殘組遠可數窳窳猶鳴陰雨節江流入夏悍且深揭來一
葦愁行人躡空詎有鞭石手賊目更甚緣撞身健兒觸險
爾勿矜善泗常遇龍蛇噴衡流頰尾坐太息延頸望有仁
人仁觥觥鎮軍顧我語期我重來茲役舉千金之諾果如
響萬口同謳固其所峯迴一轉見欄楯聳碧流丹映煙雨
導行一騎已欣欣方駕羣騶相衙衙鑪錘百鍊力無憊漚
泡萬釘巧能補眾材駢列直中弦巨纜下垂句若股諦觀
頗識巧工精小憩都忘行役苦當年當轍弄螳斧搗穴偏
師縶窮虜飄飄大纛自舒卷如此釜魚何足武牙門分筦
般輪籍次第庀材料山澤瀾滄之制今宛然更念西征恢

舊驛紀功莫忘奢香名訪古欲搜莊躋跡要令千里通滇
池亭堠畫一懸旌旗建牙出爲方面守古有舉者勿廢之
利民豈必朂奇績鑿空不若培其基鐵官矜貴鐵政急欲
健元氣忘瘡痍知君默默用此意實事求是良可師暄妍
共愛山薑筆小李畫圖紀風日靈螭最屬能馱碑深鐫儻
取吾言質

題林文忠公京師日記

滄桑胡變爲人遷終古蓬瀛在日邊遠想嚴徐供奉盛猶
居李郭中興前委蛇初若無奇節憂樂於時屬大賢自省
虛庸曾竊祿後生墜涕讀茲編

和珍五同年漢上見懷

倦客心情未耐官蹉跎彌覺去鄉難十年泥爪如過夢此

度參商最損歡在樹嚶鳴殊可感解裝食息得都安雪殘
新見庭柯綠悵倚黃昏獨自看

驄馬行城是好官都人猶惜欲留難何勞遠蹠須爭道未
有剛腸怯失歡幾日題襟從漢上重來觀奕向長安登臨
知切先憂抱樓上君山盡日看

病間獨坐寄默園

負盡流光又過春窗前夜雨綠蕘新堪憐丸藥心情細乍
可繙書卧起頻扁鵲視人當未病維摩賢我是無身年時
任率何須悔莫向東風枉自陳

去年今日詩

去年今日犬臺上紗縠禪衣造膝時巖陞豈無羣獬廌凝
聽清禁漏聲遲

嫌如絳灌阻長沙不惜伾文占禁衙霜鬢雪眉憂國瘦委蛇中度激昂差

鳳德棲棲覽九州尊王所以事諸侯春秋獨盛公羊學竟取何休說黜周

捐灰徙木意無已敢議廟中羔兔蛙在首聖人刑兩觀不搜根柢治萌芽

法如日月食於私別立條流但售欺世有龍鍾周伏柱不忘數典是吾師

會盟定用國成子筦計無如范大夫萬族戴天無怨苦一人稽古定訐謨

賀濤字松坡武強人光緒丙戌進士官刑部主事

詩話松坡篤行劬學爲古文辭承張廉卿吳肇甫先生緒論守桐城家法甚謹余與同歲成進士同官日

下過從最密晚乃喪明主講文學館及門以詩文相
質耳聽口授昕夕不倦入都必主余家賞奇析疑拳
拳相切礪寫定文集余爲序而刻之生平詩不多作
詢其子葆真勵以兩篇至亟錄入選人琴之感方深
翰墨之緣不沫沾巾勞手是用悵然

肯堂以詩倡吳先生先生之弟熙甫先生張君采南
李君和度熙甫先生之子千里往復酬和積十餘
篇濤不能詩肯堂強之乃依其韻而錯雜用之勉
成一首

吾師性好客亭園極遐賞高譙無虛日嘉客時來往酒政
酷漢吏詩律密秦網張李爭出奇范子才無兩羣雄不相
下建國各分壤小侯執贄來聽命甘誚謗郡縣不敢居退
思乘一障憶我二十餘抗志薄今曩良馬脫羈絡千里猶
莽蒼盲進不知退力竭仍思強豈料遇仲達唾手收曹爽

蟻垤恐顛躓嵩華惡能上范子笑其旁瓦缶擊之響憐彼
蝸與鳩不使控草莽趣我令當陣怯夫膽忽放縱橫大敵
前那復計弱壯思酬知己恩勝負不設想請師備良藥將
療灌夫創

過天津肯堂留飲用山谷次鼂補之廖正一韻見贈
依韻和之

箏絃在耳酒在口老范爲詩膽如斗審博意興何超然日
以詩歌相往還旣得薛君與鼎立何又援我廁其間我自
受形塵世上孤懷那肯邀人賞茫然四顧吾何從自投所
向歸桐城桐城大儒世與齟豈屑稽古如桓榮不事公卿
樂處士知音四海惟吾子大匠門下多瑰材散櫟見收殊
可喜羣賢會合古所難伯牙琴爲鍾期彈得與良朋日歡

飲雲路悠遠何須攀吾師罷官我何望將從子言歸故山
劉孚京字鎬仲南豐人光緒丙戌進士授刑部主事改
饒平知縣有繡巖詩存

詩話鎬仲與武強賀松坡濤皆丙戌同歲生皆治古文鎬仲逕歸秦漢松坡謂當取徑入家持論不盡同皆官西曹顧不相過從余爲介而定交二君論文切劑相成益厚松坡文余爲校刻鎬仲文亦余作序二君皆下世久矣追念昔游悵悵不能去懷鎬仲博綜百家文絕雄偉諸子論十篇及讀管商荀墨諸家書後平章學術而衷諸聖誠不刊之傑作詩非專家然彬彬質有其文要爲學人之言

題畫

觚棱寒日閨重闔記隱金門幾度春卻爲丹砂乞句漏似
聞人誦北山文

酬陶子祥

塵海勞勞盡化城藏舟移壑誤長生東方避世初非隱柳

下卑官不礙清敢以出山忘遠志悔因干祿貿時名而今
未老思回首愧爾賓筵頌瑟聲

空山

獨坐萬緣起空山非寂寥市聲騰野馬海色隱神鼇北望
疑天醉南來耐客嘲天涯有芳草魂斷不須招

雜詩

秋風肅天地蟋蟀鳴階陲華月明秋光流影入清池獨夜
不成寐起坐吟且悲我行始孟冬今秋猶未歸不惜道路
遠所悲歲月馳身世復何論素心亦已違抒情焉所告援
筆歌此詞

孤鶴海上來集君白玉墀鴻鵠游萬里輯翼君家池秋蘭
被長坂蒲荷生綠陂園葵依崇墉女蘿緣高枝重陰霈膏

澤曄曄含光輝懿彼君子德忘此孤生悲孤生良獨難聆
我感激詞

吳慶坻字子修錢塘人光緒丙戌進士改庶吉士授編

修厯官湖南提學使有補松廬詩錄

詩話子修爲仲雲督部孫世其詩學自湘中乞歸家
居十餘年條然清尚三意鄉邦文獻有前輩梁胡諸
老風近以衰病遽逝年七十七晚歲詩日悔餘集多
存感事懷人之作臨歿口占絕句云寂寞分無千載
譽蹉跎死已十年遲平生師友王梁沈又
到相逢痛哭時存錄遺篇不勝人琴之感

甲辰仲冬賦呈葵園師

大道委榛莽率土無夷庚羣邪狎白日中熿沸颺颺天步
丁艱難幹國求良楨外諮吾洲俗上契三代程講舍盛興
作條教一再更堂堂大國楚匪獨文儒鳴緬維咸同間龕
難多書生流風篤忠悱餘芳扇湘蘅如何蘭漸滫異說恣

縱橫亂苗必惡莠誰爲折其萌賤子忝持節撻埴嗟冥行
握樞在宗聖致用先窮經畔道文必黜析疑經始明但嚴
涇渭別無召水火爭錢朱企曩軌歷久垂芳聲材薄媿弗
任持祿常屏營

並世有碩儒方雅鎮流俗幸廁籍湜倫韓門仰培沃睽離
過廿稔失喜訪靈麓拙工倚大匠隳枯到曲木奉手請舊
業蒿目悼危局俛仰身世感愀焉軫心曲小子有狂言慙
拳效忠告古稱不朽三造物靳庸福南菁經解編東華史
歲錄傳諷徧海內學子句膏馥投簪味道腴勸學資先覺
甄文重流別姚李踵芳躅孔傳刊僞文班書證疑讀遐哉
千禩業悉數屢更僕葵心傾太陽匪曰智衛足公當勉加
飯弟子行抱蜀

少小苦羸疾中歲疾良已西南馳王程江山壯玉壘意氣
高岷嶓險阻窮笮徙期搜蜀才彥持以獻天子適遭庚辛
交冬狩紀詩史衝寒赴行在伏闕淚盈背明年還京師曝
直近丹朶草奏引古誼論迂駮俗耳往歲乘滇輶暑雨涉
萬里津梁行告疲占爻得艮趾何圖被恩命沿灕下沉澧
歲晚暫投裝百懼而一喜喜者親丈席譚經竟源委懼者
臣精亡無繇振積靡噩没方期歲甄校無隙晷遽遭病魔
侮瞑眩不可止引疾幸得請感極轉汗泚豈不睠芳華升
庭采蘭芷上負吾師期下負橫舍士贈言意深厚三復重
嘯唏朝廷納羣策下士有封非安得一審謬靖彼萬謫詭
敝廬有孤松貞幹無曲理蘄保歲寒心明明指江水

和琴志

雲外匡君宅山中梁父吟娛親得高寄報國矢初心厝火
顛危局虛車著作林此邦關學盛誰與振元音

奉命典試雲南留別政垣諸公

華髮年來已滿簪豈期乘傳采南琛十科取士頒新令六
詔宣風有嗣音芻狗醢雞笑文字蠻花犵鳥付謳吟友朋
慢爲勞人惜老鶴猶懷萬里心

沈曾桐字同叔號子封嘉興人光緒丙戌進士改庶吉
士授編修歷官廣東提學使

詩話子封博聞疆識亞於家督曩同入詞館相與過
從廣坐傾譚瀾翻不竭友朋以詩文相質引繩批根
不稍假借顧自作甚罕偶有造述亦不存彙病沒京
邸子培自上海寄詩輒之有句云生隣謝草難同夢
死恨殷薇不共山微獻俱亡之痛坡
類再世之悲誦之輒爲累欲不置

題徐鞠人同年北江舊廬圖

海王置官燒琉璃迤南有井清且漪北江先生舊卜宅百
年徐子來居之北江抗疏擊權貴頭顱分與歐刀期天王
聖明臣不死投荒萬里百日歸徐子起家官禁闥風流文
彩高山思讀書尙友眼如月燕坐觀世爭蟲雞甲午之年
海水飛徐子憂國如輞飢袖中一疏帝動色坐決成敗如
著龜惜哉元黃有翻覆九關虎豹吁可悲君門潭潭士氣
死柴戶奉母萊衣嬉中庭花發鶯亂囀高堂繞膝孫含飴
歲時伏臘召親友上堂鞠脰陳一卮僧彌法護自師友一
門婦子無嗃嘻人生此樂詎易得天意枯菀眞難齊元冬
凜冽諼草萎眼枯泣血驚烏栖後先死孝眞一轍北江徒步奔母
喪墮水遇救越日乃蘇君居太夫人憂哀痛得疾亦幾殆麻衣雪涕稱孤兒我昔升堂
拜聖善圖中光景猶能追觀河性存面已皴論交十年倏

路歧春風勁厲河冰漸送子執手情淒其他年史筆傳滂
母更溯機聲鐙影時

張士珩字楚寶號潛亭合肥人光緒戊子舉人直隸候

補道加四品卿銜有勞山甲錄

詩話楚寶爲李文忠之甥裔出將家折節讀書爲古文有義法詩不多作辛亥後隱於膠東栖心學道徧游二勞諸勝唱和成集一鱗一爪要非俗音回憶探幽攬奇同留鴻雪猶爲神往

陪張湛存先生入嶗訪逢公棲止感賦

岩巖高不極選勝共登臨澗壑隨峯迴煙巒障日陰摩天
懸壁峭訪古入巖深欲問幽棲處雲封不可尋

九水崖循曲千巖路轉迷高山深莫莫客子意栖栖石咽
泉聲細松虬日蔭低紫芝如可采乘興更攀躋

蕭端澍字雨根號水卿三臺人光緒戊子舉人官武昌

知縣有賞松石齋詩存

春日聽徒南道人彈琴

道人涼州茂才也工詩善琴

丹房晝靜春風香
仙人隱几琴眠牀
客至呼僮瀹茗興
來爲我彈清商
山水虛深道心古
鷗鷺澹遠塵機忘
祕弄初開若有會
寸衷感激空低昂

九里岡

荆門西上路坡陀
九里岡平松檜多
秋雨乍晴雲乍斂
無邊濃翠滴煙蘿

卽目

野水吞橋爭赴壑
晴雲奪路亂趨山
雨餘好景憑誰寫
畫意詩情滿目間

張寶森字友柏丹徒人光緒戊子舉人官儀徵訓導有

悔菴詩存

詩話友柏詩以閎博瑰麗勝七言長句有豪宕激越之致近體工雅綿密長於隸事庚子感事四律有云誰言漢代生張角翻爲唐家破吐蕃米賊公然用張魯水仙猶未死孫恩運用出以融化斐然佳句

石帆歌

長鯨挾怒將波送黑風飛出觀音洞江上樓船欹欲眠惟有石帆吹不動石帆何高高張如鸞背立如鼇不知插入江心幾千仞世間知者惟神蛟上有巍巍之鐵塔下有滾滾之銀濤此帆非蒲亦非布高排石筍堅且牢安得挂之游滄海天風吹落瀛洲劫吁嗟乎天公造作徧穹宇刻劃雕鏤毋乃苦若非操蛇二子運鬼斤定是金牛力士揮神斧

與客談徐武功事感賦

岳飛謀反其事莫須有不殺于謙此舉爲無名三百年中
兩妖鳥秦會之後徐有貞同罪者誰御史王文同功者誰
將軍石亨前日議南遷今日議奪門武功武功爾亦覲然
人甘與分屍之檜萬年遺臭獨何心宋少保明少保棲霞
山色至今好兩家祠墓巋然存秦徐殘骨賤如草東臆饒
舌莫嗔司晨雞此時並無長舌妻

和月楂觀察秋感

臺城草淺下牛羊縱論南朝讓客狂天遠生雲微似髮人
歸踏月白於霜零殘碑碣尋僧寺寂寞關河憶戰場黃菊
漸乾紅葉飽一年一度看山忙

讀太白望九華贈青陽韋仲堪詩感賦

我讀太白詩如見太白豪青陽有韋生名山同游遨蓮花

亭亭出淥水誰其卧者赤松子相期攜手凌紫霞俯視雲
臺若敝蹤青蓮仙人不再來韋生韋生安在哉九華山中
何所有但見元鰲白鵠悲吟而徘徊空江月明幾千年采
石誰放宮袍船我欲臨流一長嘯夜深恐驚魚龍眠吁嗟
乎丈夫在世貴行樂安能摧眉低顏就羈縛夜郎萬里仍
生還笑爾公卿枉謠詠名山有約不可忘端委何如在巖
壑有詩須乞太白靈有酒須酌長庚星他時白鹿青崖路
重訪芙蓉九朶青

答黃陂黎濟川孝廉

德芬

秋思詩

銀河澹無暉虛庭忽已白筦簟清於冰微風入簾隙殘夢
猶搖搖晨鐘盪煙碧秋士恆善悲況此久羈客羈客動歸
心有如燕將別豈不志四方風塵難合轍四壁秋蛩鳴臨

風助淒咽去去勿復陳
褰帷望明月明月入我抱
涼風吹我襟白雲自舒卷
去留皆無心海內方多故
志士甘浮湛不見梁伯鸞
五噫有餘音餘音渺何許
獨鶴鳴青霄君才夙磊落
驚采追湘騷枳棘雖暫栖
六翮終翔翺努力祖生策
萬里乘長飈

秋日雜詠

水漾秋光卵色天夕陽明滅起炊煙
疏花似穗曾相識新月如弓絕可憐
欲醉翻思缸面酒不歸空問櫂頭船
今宵短夢知何處綠水橋西老屋邊

姚永概字叔節桐城人光緒戊子舉人有慎宜軒詩

詩話叔節夙承家學與其兄仲實及姊婿馬通伯其
利交相鏤礪通諸經治詩古文辭晚偕游京師一時
碑版傳志之文非三人者莫屬叔節年甫逾五十瘍
生於頤遽下世通伯仲實亦游倦而還宣南壇坫黯

然矣

肯堂用大人韻作詩示予因及予與吳仲懿江陰之

舊游而以身強爲可寶次韻奉酬

生於吳楚愛幽并五嶽填胸不可平少壯漸過添老態江
湖行徧減山情高吟斗室春回座臘雨連宵冷入城彭蠡
縱陽二千里茫茫帆楫又東征

用山谷游王舍人園韻題天柱閣

築閣行省司地直龍山陽天晴西北望嶽色不可藏自古
賢政策在暇不在忙沈公有道氣官居等寶坊論徵古典
籍坐集儒衣裳時流老成淚或慚燕寢香去年江淮饑稻
黍不芬芳庫藏又久空安得化金方貨粟監河侯救此災
剝牀憂多公膳減孤負數百觴世方競炎熱誰解心清涼

赫然聲利場照以明月光橫流波浩浩正色天蒼蒼潛霍
有佳境中開天地房宛委古藏書待公與意量其男多樸
野爭席魚相忘其女半高髻未知時世妝公令四境安容
我接輿狂

題子善秋景

柳老西風作意驕孤蟬獨自抱疎條不知更有春來否到
眼秋光太寂寥

偶懷梁節庵胡漱唐

上書不報拂衣去絕類西京梅子真最痛篇終陳苦語異
時逆耳更無人

黃錫齡字春圃冀州人光緒戊子舉人

擬杜工部觀打魚歌

秋風瑟瑟吹籠鰲漁舟盪入川流衝席地幕天施大網千
魚萬魚紛橫從大者鰓鰓小鰓鰓鰓鰓鰓鰓鰓鰓鰓生者
半已點鱗腮況復死者無完形日暮水伯游茲川咄哉吾
徒誰使然迴風倒飈三江水塵沙捲浪聲連天漁人未解
此中意呼斟叱鱸還相醉君不見竭澤之漁古所恥貪饕
毋亦病仁義

孤城落日淡秋水前此觀漁今復爾天生饒漁性絕詭謝
卻罟網逞奇技釣餌微瑣大魚恥尖叔銳舌利如錫風鳴
雨咽波濤洶順手撐入無崩阬吾觀此事心悠悠漁人睨
我發清謳水伯夜起爭窟窟鞭馳丁甲翻天河烏乎水伯
意我知乾坤惠施萬物嬉滿目傷殘吾一體安得忍受旁
人欺

葛嗣滌字弢甫號雲威平湖人光緒乙酉拔貢戊子舉人戶部七品小京官有弢華館詩橐

禽彝銘

延陵手拓禽彝銘古香著紙松煙青二十三字科斗形錢氏阮氏詮釋精粵稽周鼎東遷後彝器銘勲歷年久釋某爲謀又作右偏旁闕略通篆籀王祭於社名曰宜公謀諸禽司其儀受脤交福稱厥職錫金百兩禽作彝伊昔春秋嚴筆削許男何不書侯爵杞滕自貶齊晉雄黜陟無權視強弱古今大誼惟尊王諸侯助祭登廟堂黍離以降競蠶食百千祀物嗟淪亡夔龍饗饗付殘劫毀及尊卣鐘鼎鼎此彝可寶銘可讀拓本相貽韞諸匱墨雲擁護蛟螭蟠字字昆刀切元玉請編款識摹奇文補入歐陽吉金錄

王定祥字文甫號縵雲慈谿人光緒戊子舉人有映紅樓詩橐

秋感

斜日平原雁影高四山落木晚蕭蕭吟成秋興詩才薄醉倚西風酒力消病葉經霜先委地寒塘無水不通潮空憐松菊長荒廢獨掩柴扉慰寂寥

胡體晉字錫蕃孝感人光緒戊子舉人有退庵詩集

梨花亭題壁

梨花亭子小橋東近接南湖一水通爲看春山歸較晚馬蹏踏落夕陽紅

惲毓鼎字薇孫號澄齋大興籍陽湖人光緒己丑進士改庶吉士授編修歷官侍讀學士有澄齋集

詩話薇孫早年登第大考擢官族父次遠侍郎從兄
孟樂太守聯翩同在館職門閥清華一時稱盛君尤
諸掌故通時務史成書局載筆從容勇於
建言封章數十上詩亦多感事抒懷之作

梅叟移居近巷時遭國恤兼聞皖中兵亂奉東

北陸將回律西城好結廬乾坤多淚日歲月杜門餘天暝

猶存菊家貧但載書清風比通老誰與繪移居

宋楊通老有移居圖

銜恤孤衷耿憂時兩鬢斑聞君來卜宅令我暫開顏江郡
風塵警霜庭竹石閒艱虞思智略肯遂老東山

門人黃叔權寄詩見懷答之

落落交親遠駸駸歲月新人才亦東豕吾道竟西麟舊學
存門下離懷逐渭濱歲寒期共保勤寄隴頭春

送易實甫觀察分巡滇南

相逢冰雪痛烏號晚歲功名感鬢毛殘夜除書新使節南

天行憶舊征袍

實甫昔曾游滇

春歸日下人偏去詩歷黔中境益

高聞道吐蕃窺六詔安邊籌略望韋皋

再送實甫

萬里從茲始依依祖帳歌繡衣唐察使蒔醬漢牂牁春色

隨人遠江流出塞多

中國之水皆從塞外來朝宗惟雲南金沙江獨流向境外先公有

遺愛

實甫尊人笏山年丈曾官滇南

莫更歎蹉跎

李傳元字橘農新陽人光緒己丑進士改庶吉士授編

修歷官浙江提法使有淨嚴詩草

詩話橘農由郎曹入詞林出任監司文章政事具有本末而不自表襮及歸林下耽詩益工生平瓣香嘉興錢衍石給諫爲刊定廬集遺藁所爲詩精能深婉不徒形似晚年博通內典所詣頗深詩境亦爲一變矣

傷亂

浮生未百年遭亂何頻數我生未毀亂戎馬盈輦轂天南
遠行邁十載警猿鶴五十始衰白甘泉烽燧燭六十解簪
組慘見邦國覆出門無與語浩歌淚盈掬謂當忍飢寒卽
此事耕鑿如何沴氣纏薪盡火猶伏天運有循環影響一
何速往返機上梭得失一邱貉獨憐窮海民舉步荆棘觸
念昔杜陵叟麻襪走南北老病卧壤西猶聞兩京復淵明
生不幸甲子手親錄歸去掩荆扉終老守松菊晞髮最激
烈醉碎石與竹沙社聯吟朋題詩滿杭睦坐思荼蓼甘暇
想寒谷燠九原洵通衢漏茅亦華屋劫風何足悲秋陽未
爲酷洗耳憂盜泉息影愁惡木千秋庾信哀萬古唐衢哭

題甘泉鄉人冷齋讀書圖

二石儒林宗高名繼坡潁家書七百通學術商之稔嶽嶽

衍石翁碑版照五嶺晚歲刊經說傳注徧收摺參考闕其
疑讎校心惟謹先生學尤力萬軸朱藍靚琳琅諸父貽卷
過南陽井學海爲上駟文鑑亦神品覽觀不自足異籍頻
按訶經訪公庫本韻求汲古影吳郡懷杜詩南陽憶耿秉
惟時藏書家別下迹最近振綺若拜經一瓠乞通請善本
遇輒校三史尤精審缺漏補正義雜揉理索隱班有特齋
藏志取南雍本副墨曾過錄細字目爲管嗟從雕按興一
書恆數鈐數典亦已難焚取那可盡何況字句間異同細
已甚半部蟬蠹餘求之金百餅書倉困檢點舟車艱載捆
奚如萃一編朝夕便觀省肉弗義不遺眉列目易醒坐卧
挾與共得一餘可屏先生老學官辛苦仰寸廩豪侈輪絳
雲浩瀚謝千頃徒以精力勤敵彼金布賑孤鐙一對勘百

城儼吞併平生苜蓿感官齋顏以冷猶聞念長安千里致脩脰爰知友于篤匪直文譽並厚德族黨欽清芬子孫引一幀六丁遺寶視宗彝鼎

移居吳中述懷

補寫澹臺墓上詩黃花迎笑我來遲扶衰怕履曾行跡懺惑仍留最後癡生處自應歎華屋歸飛猶復揀寒枝登臨換卻看山服幻盡煙雲未覺奇

結廬仍傍少城隈七返須陀賸一來樹石無情能說法松蘿好在且銜杯推愁遠墮九州表誓墓常銜萬古哀一卧從今凡幾劫捷椎聲裏鼾如雷

觀新厯日

白頭又見一年春眯目愁看厯日新眼斷遼天無過雁心

寒客籍少遺民距程百里潮聲遠寄恨千秋涕淚陳出世
固應難問世勉修六度答君親

和乙盦

願海無邊引領望稱情詩是大悲光心惟一佛禪那境書
有多車惠子方徧色空天誰樂國送今古世只斜陽眾生
計著常顛倒纔說興亡已不亡

文字觀爲般若光威音那畔祕難彰杜鵑枝上相憐切野
鴨聲中過去忙平視風雷聊徙倚寄生天地劇悲涼蕭蕭
壞劫驚砂裏時比諸天日月長

奇觀能生淨眼花分明定裏到君家大千一榻無離相小
別三春感物華密印伽陀驅癘魅高樓海日隱朝霞希音
可會嵇生旨商亂宮移一歎嗟

米戶黏雞歲事新引年猶讓古稀人
裴公座上誇年少耆
岷山中剩小身悲喜澹忘聊適性松風不問略相親
六根解後仍非解欲請如來更綰巾

後月蝕詩

我作月蝕詩體效玉川子客誦爲胡盧子言無乃俚
天空有闇虛徑直十萬里望舒經其間如暘就陰翳
月體萬里餘妖蜚胡能噬蝦蟇旣蝕月應亦食大地
后土入蟄腹含生將焉止主人起謝客大小何可泥
不聞瞿曇鉢滉漾容海水亦有淨名廬獅座崑崙比
蟻穴擅侯王蟲睫馳九軌一粟容大千大千一稊米
莫大於秋豪天地乃至細大塊一餽飪食者京垓秭
厥靈爲俛蟲其蠢爲螻螳人蟲又相食巧厯不可紀
胡獨靳飢蟇偶動子公指我思蝦蟇腸清

虛絕泥滓既能吞曜靈亦必有城市雖無八極寬應殊五濁世蛭腹蟹爲巢馬腹蛇作肆螺腹素女游魚腹屈原喜方當招飢慕厲斧鑿其齒逍遙彭亨中絕勝掩蕭裡

乙盦以登高詩寫寄又題後五言一首依韻酬答

朔風淒以栗萬物含春姿沍陰一陽伏三復朋來辭升陵羨飛錫秋氣清不悲一切爲一刹是說楞伽時搖搖思過去茫茫待來茲介石具定性林節無懦枝時教泯義例殊勝絕尋維且復念歡會把臂游軒義

葉昌熾字頌魯一字緣齋號鞠裳長洲人光緒己丑進

士改庶吉士授編修歷官侍講

袁重黎曰君搜錄古今藏書家作雜詠三百首入系以傳異聞佚事箋羅極富又聚集陀羅尼經幢搨本千通自署幢主

詩話鞠裳經籍碑版之學冠絕一時著有藏書紀事
詩六卷語石六卷視學甘涼成那州石室錄二卷其
他纂輯尙富夙不以詩名卒後門人爲刊辛白穆詩
譜二卷皆七言長律感懷時事語多深切宜其自秘
不出也平生內行竺摯
樓雅闇修時咸重之

宣統己酉范祠春祭祀事

又是羸燔道喪時魯宮孔宅闕金絲野人有祭方披髮海
客能談但傳皮後進師心雕混沌左言充耳效侏僂秀才
憂樂關天下百世聞風是我師

異地重瞻高義園憶持使節到邠原堇荼不改沿陶穴蘋
藻毋忘報水源良相同朝惟富弼霸才今日盡張元裂冠
毀冕嗟何有禮教無踰視短垣

王寅度隴兩次行
部至慶陽謁公祠

齋粥家風有象賢箕裘趾美得忠宣治當皇祐至和日文
在廬陵子固先精槧訪求昭德第讜言啟沃邇英筵卽看

公庫新雕本留與諸生肄誦絃

時議重刊歲寒堂本文正忠宣兩集

劉爾炘字果齋皋蘭人光緒己丑進士改庶吉士授編

修有果齋集

雜感

誰家兒女鳳凰雛攜手尋芳徧九衢野草閒花都著眼道
旁遺卻夜光珠

丹鼎飛煙鶴繞林開鑪竟爾失黃金主人自恨無奇福辜
負神仙一片心

陰山洞裏入層層一綫陽光逗石棱何處尙能傳宿火半
窗風雨讀書鐙

費念慈字杞懷號西蠡武進人光緒己丑進士改庶吉
士授編修有歸牧集

詩話肥懷博涉多通工書法精鑒賞詩文不輕作故
傳世甚稀己丑殿試潘文勤初擬以第一名呈進因
有誤字爲同列所阻辛卯典試浙江務搜雅才取卷
多不中繩墨揭曉後謗議紛起會稽李越縵侍郎劾
四編修肥懷其一疏中有荆生蓬島鴉集鳳池之語
論者謂其言之太過肥懷自經挫折遂家居不出卿
終以

鄧尉探梅圖卷吳丈脩閑屬題

菖蒲潭西冷香冼千樹萬樹梅花開招邀勝侶愜元賞座
中賓主皆仙才是時湖山正全盛倡酬詩海傾金疊深山
大澤發光怪眼底禍起紅塵胎黑蜨翻空吹海立黃狐吐
火鳴箐隕猋獠磨牙豕人立關河蕭瑟江南哀聖赫斯怒
奮厥武鷹揚將帥多奇瓌橫腰大弓射明月脫手飛旂奔
驚雷將軍仗節壯士死僅乃戰克名城恢翦除榛莽到林
麓醜酒重上姑蘇臺斯時此卷落何處蠻煙瘴雨侵煤炱

潮州太守古循吏一檄能走鱷與鮐政平訟理民氣樂搜
奇獲向文書堆家山在眼嗟久客忽憶三徑埋蒿萊壓裝
重比鬱林石鱸魚正美歸去來脩閑堂前盛賓客論文話
舊相追陪石泉潑乳試苦茗地爐煖火開新醅公武圖書
几上列天隨杞菊階前栽人生百年貴行樂忘憂惟有常
衒杯桑田滄海幾遷貿麻姑三見生黃埃嗚呼和靖不可
作使我瞻望心徘徊零丁一島棄甌脫泥沙萬斛輸邊財
鮮卑重譯語格磔侏离短後聲喧豗奇鶻九頭當戶叫社
鼠五技憑城猜景教流行大道晦佞廬左上羣經災浮雲
掃空燭龍曜堯天舜日照九垓江湖一卧幾裘箠鍵開且
復甘鴛駘春風人日一壺酒草堂久閉滋莓苔山僧報我
雪成海款扉一紙勞相催朝來折簡與君約拏舟同訪山

之限

吳丈又出棣華先生詩卷索題時久晴望雨甚切

一冬苦無雪赤日照屋檐憂時願豐歲望澤愁窮閭頗聽
老農說絮語如病疴汲深井泉渾突冷米價添草枯賣卻
牛水涸拾得鮎東家羊兆卜西鄰雞骨占偶見飛霰集旋
吐驕陽遲待茲土膏動所恐良苗殲我聞一長歎忽忽意
不怙故人誦清芬一卷珍匹緜示我樂府吟敬獲先德規
傷時兼憫俗大言何炎炎情深語多諷意重律更嚴安得
輶軒采用作美疢砭昨夜春風來濛濛雨廉纖好作三日
霖猶及四野霑歡呼滿閭巷作苦勤黎黔吾儕樂康衢飲
酒亦不嫌寒香一萬樹開徧東西崦相約扁舟游聊復險
韻拈屐齒判高下詩心鬪又尖胸撐漢柏古口讀邾鐘箝

重結山水緣況有翰墨兼飄然意獨往已在前村帘

爲鶴逸題畫

栖鴉點墨柳絲黃瑟瑟寒流瀉石梁帆影在天秋在樹至
今離恨滿斜陽

淡月微茫蘆荻秋風流回首未全休重溫二百年前夢爲
寫當時送客舟

重九侍松禪師劍門登高

重陽苦風雨難得今歲晴凌晨出北郭天高日初晶小子
撰杖履山靜復輿輕款扉過趙叟一笑掀髯迎圖書做小
樓花竹當前楹古墨爛在几照我雙矐明酌礪煮鳳團飽
飯烹魚羹西風昨夜來策策秋葉鳴霜氣滿巖壑紫翠紛
縱橫頗聞田家言秀野搖香秔愛此雲子白念彼魴尾頰

扶筇入深谷
梵闕輝丹甍
苔壁畫蠨螭
松梢竄鼯鼯
采藥僧未歸
隔屋聞棋聲
老人健腰腳
縱步葉家坪
鬱鬱青松阡
毅魄埋忠貞
重修卞壺墓
遐想仲路纓
肅拜重驄仰
對此羞嫫媿
攝衣賈餘勇
峯勢羅崢嶸
劍門鬱盤折
直上捫長庚
石面小斧劈
崖腹孤藤撐
憑高一縱眺
極目凌滄瀛
桑田拾螺蚌
惡浪愁蛟鯨
下有靡蕪泉
泉水冽且清
可憐紅豆花
不見嘯春鶯
栖塵與過駟
珍此殤世名
嚴家有祠宇
傍巖結柴荆
菊鈴隱槿籬
瓜蔓垂松棚
芙蓉濯娟娟
臨水生遠情
小憩返舊居
茅舍炊煙生
疏鐘響林薄
新月銜高城
裁牋博莞爾
野性慙麋麋

江標字建霞元和人光緒己丑進士改庶吉士授編修
和林金石詩

剝落殘碑認短銘舍人書體出天廷吾從字畫徵旁刻大

泰山銘小孝經

必仰可汗碑

脫脫已罷巉巉卒誰是平章至正秋一記不傳名姓在朔

方賸有斷碑留

大司農保釐朔方殘石記

徐仁鑄字縵情號研甫宛平籍宜興人光緒己丑進士

改庶吉士授編修有涵齋遺藁

詩話縵情詩功力雖淺吐屬名雋吳公魯稱其清麗
邁逸能函雅故與乾嘉學人相近未爲過當光緒間
朝士之言學問言時務者每思凌獵得之標榜聲華
寢成黨禍縵情踴厲風發志在大用戊戌政變坐免
一經蹉跌抑鬱以終
遺詩僅存令人感喟

送言簪伯之天津

潞河水程安且娛盤旋直到丁字沽卻舍雙輪曳雙槳歌
詩不歌余馬瘖言子觥觥世文學能爲漢賦摧吳歆春風

原草出佳句才名英絕傳皇都金臺駿骨已不朽上客珠
履爭迎趨析津形勢控南北黃河萬里此尾閭方今金甌
無點缺誰令堂闥來龜獬宗生乘風范攬轡斯志頗與常
人殊蟲魚鈇析小言耳彼哉溝渚而拘迂我生心力百無
賴有書廢讀冠則儒坐看鵬蜚似流電安有遠志殫八區
以我方君何所似强者齊楚弱者猶曹邾祇餘結習未全
汰別無美諡惟至愚臨歧一語重諉誣君應諾我勿囁嚅
水西莊畔脫經過尙聞八卷題襟韻事無

游浯溪

路轉雲深處荒臺枕碧湘江山開百粵文字屬中唐影落
斜陽紫名題卧石蒼風流呼漱玉提筆妙能狂
流涕中興業艱難一遇之紀游聊有託作頌更何時鼙鼓

家山夢蓀荃澤國思鏡厓今照客猶未鬢成絲

述懷

頗志萬方略而抱千古悲凝情叩丹府俯仰將安爲江湖
搖落處談蕩高莫窺墮地得此生追懷涕如縻欲從世尊
法解釋諸苦危一髮鈞所繫片雲雨之基悠悠塵世名耿
耿罔極思歌成熟告哀中夜三獻歔

楊深秀字漪春聞喜人光緒己丑進士歷官御史有雪

虛聲堂詩鈔

詩話漪春於戊戌四五月間有請御門誓眾釐定文
體諸疏皆故事也而都下譁然曰爲新黨入月初政
局既變於被逮前一日奏請歸政徵引史事語至切
直蓋早辦一死矣少具異秉讀書過目不忘經史百
家皆能舉其辭精小學熟地理篤好算術出新意自
製天尺地球凡鐘鼎款識碑版源流靡不通曉吟咏
外兼工續事生景山石室之鄉博學多能人稱爲
景純再世詩有才調一空依傍未可以常格繩焉

齊鐻詩爲尋管香給諫作

睢上后土祠漢皇獲鼎所金氣頽秋空煊爛作伏虎陰崖
闕環寶陽侯盛齋怒高浪掀天來射岸叢萬弩石罅闐然
裂繩出古鏞虞伊誰窟室懸乃有歌鐘拊黃門鐘鼎家昆
季並嗜古脫貫徑購歸通夕手摩撫綠繡刻薜斑墨華捶
麻楮舉例先辨體析疑自畫肚微鷲帶繁星平疇擢和黍
涎跡盤蝸交鬪形瘦蛟舞旁行忽斜上中樂左右鼓齊字
秀三禾銘文圍九乳齊景族鑄鐘鴻烈典堪數鐘大鐻乃
小高陵注周語獨怪此齊鐘何繇葬晉土葵邱會所懸崔
氏賂所取我聞晉義熙霍山得鐘五篆古識者希籍口盡
齟齬嗟我河東郡法物茲焉聚卽欲考古文何用尋岫嶠
况乎古之樂懸鐘必成堵此鐻旣來歸應爲嘯匹侶鼎有

北川集言卷之一 下
手
蓋底銘劍分雌雄股神物不獨見試更覓故處齊人有韶
樂所鑄備律呂上以考籀文下以佐杜舉太平既有徵逸
經何難補

再爲管香給諫題齊罇拓本

齊罇齊罇乃出葵邱黃河所齧之絕壑給事家居茂陵獲
鼎處并得其鬲與其鐸爲揭罇上文綠澀墨光錯首云五

月吉丁亥中云齊師輦叔作

輦字乃家秋澗孝廉所辨識
出者釋作鮑字其精嚴在諸

家人徵世本遺字補說文略銘辭百七十又二盤庚大誥

同灝噩前詩引晉中興書比之義頤得鐘在太霽今再送

數難聊試發一噓昔者韋曜鄭康成罇鐘大小若相爭我

云二者各自有大小物之寃雪人訟平獨怪王肅陳統輩

強謂婦人尙柔不用罇鐘聲如使女器同不邇邾婁燕姑

孰爲銘況此大鐘用享祀胡然三著姜女名又怪杜預解
春秋乃云齊桓會地在陳留果使茲役非晉地安得惶遽
赴會之晉侯況自班固漢志來鄆上久矣名葵邱今者齊
鋪又出此益信西河攘翊有方舟數事皆足證經義瓌寶
眞欲勝天球無怪好事潘司寇千金購存攀古廬我聞北
魏張恩發湯冢鐘磬盡向河中擲同出尻雕一片土茲遭
拂拭彼沈溺又聞唐時宋沆精於音塔鈴車鐸盡能識廣
平文孫知律呂儻見此者更不釋噫嘻賤子敢一言此器
千金良不易古今出地第二鐘自宣和來難再得何不懸
置汾陰后土祠永與焦山周鼎張南北

春暮得秋湄太原書卻寄

美人在雁門寄我一端綺春風吹我愁忽滿晉祠水晉祠

春水綠沄沄萬樹桃花粲錦雲長亭短亭一百五茅龍一
夜度吟魂卻從天際路邂逅雲中君月映羣帝珮風搖列
仙裙紅尾小鳳臆語我使我手搢碧玉稱外臣臣家赤野
無春草麥苗桑葉青欲了往日膏腴比龍鱗卽今灼裂成
龜兆臣謹頓首伏俯私告帝旁玉女何不排除青雲撒白雨
使我士女前歌而後舞帝乃噓萬里之天風送我太行之
西洪河之東鯨波百丈懸甕寺羊腸九折銅鞮宮美人幽
居怨瑤瑟明暎垂淚雙玉紅告我春欲盡寂寞無花叢臺
駘之帝子藐姑射之神人赤豹雲軿日六簿屯膏不下愁
吾民美人美人爾莫怨三十六帝余親見無須膜拜祝香
花會有唾咳激竹箭君不聞唐祠戔戔晉水曲自昔能爲
一方福若令羣黎靡孑遺至今誰爲薦椒菊還君錦繡段

持作荒年穀不用蓬首怨春歸行看夏雨生眾緣

題馮魯川廉訪所藏米芾蕪湖縣學記爲武養齋大

令作

老顛潔癖深祭裳滌藻火想其俊逸情禮法無一可何意
仍書學宮碑天馬能教羈勒施蛇驚電發不可狀鳳泊雲
紛信有之蕪湖月皎硯山潔一刻揮成八尺碣放衙脫帽
踞胡牀正對石兄矜奇絕代州廉訪有拓本滿紙糾蟠見
春蚓可憐墨寶易朝餐仍似黃金擲虛牝君今何處得此
書莫令淚滴玉蟾蜍

自題所作畫

深林疊巘隱牛宮略約彎環處處通槲葉冷回千嶂溜稻
花香颭一川風魚龍捲水江翻白燕雀穿雲日漏紅聞道

故園春不雨聊將潑墨補天功

邊拙存見示秋雨夜話之作次韻書懷

淒風涼雨聳吟魂讀徹離騷眼不昏
鐙滅恥爭山鬼照詩清擬配水仙尊
已捐秋扇仍揮塵盡典春衣且曝禪爲問
候蟲終夜語欲將哀怨向誰論

王繼香字子獻一字止軒會稽人光緒己丑進士改庶

吉士授編修河南候補知府有止軒詩集

詩話止軒以孝友文學世其家弟繼穀襁母疾請代自湛月湖止軒集諫辭挽歌題曰愍孝錄平生師事越縵甚虔白華絳閣詩初集爲所校刊好金石篆隸工駢文詩詞晚入翰林因貧乞郡侘傺以終

秋晚歸櫂

病起出訪友一櫂乘風輕回舟趁斜照秋氣分外清
遙山何蜿蜒秀極不可名層雲漏日氣白如匹練橫
風禾翻青

黃霜楓交碧蘋，澹江瀉浩瀚。長橋勢如扇，葭葦迷歸途。鷗鳬導之行，港曲農戶聚。樹古邨社靈，隔隔動謠歛。漁唱若爲賡，莫色蒼然來。勸羽還林垌，日落萬象隱。但見佛火明一星，冷螢度四野。寒螿鳴掩篷，暝趺坐身仄。心轉平須臾，達北郭街櫟。方初更昏黃，敏關入夜市。鐙熒熒。

丙子下第感賦

依然罷黜醉春風，怕見霜蹠蹠。落紅豈有方干，登上第何煩阮籍哭。途窮天涯作客，逢春暮獨。夜思家，況病中一枕朦朧，渾不覺夢魂飛逐海潮東。

賺殺燕臺郭隗，金輪蹠蹠到而今。丹青妄冀收凡骨，磁石原難引曲鍼。獨向風塵傷繭足，輕違定省亦何心。祇應散髮東歸去，醉撫成連海上琴。

海舶遣懷

屈指乘楂第七回
求仙何處覓蓬萊
百年身世浮名誤
萬里風濤倦眼開
帆影和雲隨日落
浪花如雪拍天來
舵樓潑墨餘豪興
漫向龍門感暴鬚

午門迎駕恭紀

一鞭風月邕詮懷
鐙仗縱橫夾道排
貼地霜華塵不起
輕車軋軋上天街

行行繞道出長安

門名

緩步虹橋過石欄
踏徧午門門外月

一房爐火待迎鑾

兩行星燧問霓旌
雞唱東方尙未明
萬騎趨風千仗肅
耳根但聽馬蹏聲

龍樓鳳闕鬱崔巍
鐘奏重門已洞開
警蹕漸稠人漸密
紅

雲高擁翠華回

日出煙開駕返宮退班珂馬各西東似聞壤叟輟童語此

後年年報屢豐

是日自祈穀壇回鑾

次韻簡書衡

可是天台再見身

相傳陽明爲天台僧後身

匡時策待萬言陳功名唾

手才何健書卷羅胸語自真萬里鯢鵬騰渤澥九秋雕鶚

出風塵緬懷三世循良傳明德由來有達人

君家三世宦吳皆有循聲

許君說字鄭君箋文是坡仙詩闖仙獨契珎龍驚俗眼同

師執象亦前緣太原宗派遙遙共中散歌行字字圓

承題髮刻

圖胎息魏晉

會看安排作元宰孝先播詠梅篇

朱秉成字文川浙江山陰人光緒己丑進士官常熟知

縣有寄甌詩文草

詩話文川丙戌會試下第以詩投寶文靖云公門何
止三千士我恨生遲二十年公喜亟爲延譽老輩愛
才殊不
可及

入山行

車行五日不見山壯思酷欲登孱顏耳聞車子坐愁歎明
朝腰腳疲捫攀我聞此語啞然笑丈夫胡爲畏山嶠挑鐙
手蠟一兩屐好淩絕巘恣憑眺荒村雞未鳴車子催登程
車聲隆隆入山去山徑漸仄陂不平一石忽仰一石俯怪
石作堆蹲去路十步摧輪五步顛精搖目眩已生怖有如
挽舟上惡灘欲上不上摧心肝有如飛鳥墜絕壁一落千
丈屏不息破曉驚魂午始定到此埽盡看山興努力加餐
復上車上車頗復憂蹭蹬道旁爭說太守
秦安府梅啟熙
盤路便行人
賢纍纍石齒經磨鐫不然十里五里路棄車覆轍紛蟬聯

吁嗟乎人生蹉足不出戶道路那復知艱阻君不見太行
山高插天行人終日如蟻旋又不見天梯石棧歌蜀道
王生叱咤頭不掉由來世路多崎嶇巖巖泰山猶坦途

出山行

入山如登天霜蹠健衛鞭不前出山如登仙輕身飛落層
雲巔山路盤陀六百里鐵蹠齧盡薄如紙一山忽斷一山
連四山終日無人煙卓午渴掬澗流飲薄暝倦登藜牀眠
饑黎呼號滿山谷女首飛蓬兒赤足苦曳奔輪不得停空
教行路傷心目噫吁嘻男亦務鋤基女亦勤杼機八口輟
手指不足償呼追天意何獨仇蚩蚩鯁儒爾本無民責道
除見此猶惻惻惻惻全忘行路難輕車行盡千山側千山
行盡路漸平馬蹠電掣飛塵輕向前行車莫停長安已近

聞春聲帝城遙傍雲霞明

四月出都

日日言歸未得歸今朝纔是上征驂輕裝手辦身都健浪跡依人計總非京國春闌花事歇黃公市散酒人稀上林無爾營巢處歸去江邊舊釣磯

平原道中

鞭影長隄不計程槐陰走馬午風清吟衫貼雨涼兜夢官柳扶煙綠上城詩膽陡澆村酒大旅愁莽擁亂雲生勞勞身世成車腳笑盡輪蹄有耦耕

寄沈呂生大令

祖憲

澆愁誰解脫金貂家世文章重六朝八九氣吞雲夢澤兩三人對雨風宵人間綵筆詩無敵天上紅牆恨未消最是

傷神逢客裏君應珍重舊時腰

快閣

跨湖橋外水天秋醉拍闌干動越謳滿地斜陽人去後綠
楊閒殺水邊樓

依舊人家水上村濁醪渾欲醉詩魂江山如此人何處黃
葉蕭蕭自打門

史恩培字惺石號竹孫遵化人光緒己丑進士官魚臺
知縣有鷺藤吟舍詩鈔

與姨丈李幼雲師希杰再游長城感舊

一帶荒城隱僻村秦關漢隘竟誰論萬重冷翠侵眉宇前
度飛鴻失爪痕石磴幾灣容馬足山泉多半入雲根明年
桃李花開日可許春風度玉門

楚霸王墓

休將神聖例英雄
抔土殘碑已不同
埋伏拌當韓十面
寬仁宜似舜重瞳
何傷刳印封諸將
不悔分羹釋太公
遷固漢臣多曲筆
豈真紀錄盡由衷

秋宵

秋宵靜坐冷於僧
參徹詩禪悟未能
也是置身圖畫裏
菊花深處一書燈

題徐友梅

世光

碧梧聽雨圖

人生天地間
百年直須與我生
儔類間七尺
同骸軀置身
冠蓋間苦爲形
所拘屬耳笙琶
間易爲聲所濡
詎知遭際
同各託情懷
殊或從喧求
寂或必清始
娛爭似廓襟
期所至任苑
枯抑且脫羈
束自顧忘腴
癯何事非吾
天何地非

吾廬何遇非吾樂何曹非吾徒第未逢解人疇復嘲迂儒
吾鄉邇郊畿鄰壤接津沽屋指東西陸家稱大小徐諸兄
文福齊二難鄉科俱元方快登龍仲氏恨飛鳧講席中州
游宦轍東海隅記主聚星堂迭繪聽雨圖培塿當蒼厓芭
蕉間碧梧咫尺具千里崢嶸喻雙株畫筆羨干雲題句抵
穿珠鞋才鈍且庸座談囁復嚅恨未侍皋比思將訪許都
寫生宋與王慕古歐與蘇神交證丹鉛客程阻舟車快登
北極臺俯瞰大明湖恰逢屋雪融恍滴簷溜疏此味此聲
希舊雨今雨符多恐柳陰濃未及桐柯孤況隔杏壇邈孰
開蔣徑蕪安得足所經徧假手爲摹縱甘耳無聞究喜身
自如酒杯塊磊澆禪機色相虛放出野腔歌潑開墨瀋塗
彈倦悔馮鋏吹濫譏齊竽轉防知音知相對同胡盧

王濟字旣生秦安人光緒己丑進士四川卽用知縣

關山

木落關山晚馳驅尙據鞍天低雲影重風急鵲聲乾度隴
經春早辭家逼歲闌椒花明日酒難作故鄉看

晚晴移詩匯卷一百七十六終